

## Other document types / Ostale vrste dokumenata

Publication year / Godina izdavanja: **1933**

Permanent link / Trajna poveznica: <https://urn.nsk.hr/urn:nbn:hr:270:631737>

Rights / Prava: [In copyright](#) / [Zaštićeno autorskim pravom.](#)

Download date / Datum preuzimanja: **2024-04-27**

Repository / Repozitorij:

[Croatian Emigrant Press - Repository](#)

# ISKRA

1204/4

SYDNEY, FEBRUAR 1933 GODINE

## MEDJUNARODNI BESPOSLENICKI DAN 27 FEBRUARA.

27 februara besposleni radnici izlaze na ulice demonstrirajući svoje snage protiv nastupanja kapitala na gladne besposlene radnike-će, sa zahtjevima: za povećanje besposleničke pomoći, za snabdjenje besposlenih i njihove obitelji sa odjelom, protiv izbacivanja iz stanova, besplatan stan i gorivo za besposlene, protiv 32 gladna vladina pitanja i drugih cijeli niz zahtjeva. Svaki radnik-ća, besposleni i uposleni treba da potpišu liste protiv 32 gladna vladina pitanja.

Borba besposlenih i uposlenih radnika u jedinstvenom frontu prisiliti će vladu na mizerije, da udovolji zahtjevima besposlenih radnika i radnica. Zato svi u borbene redove jedinstvenog fronta proletarijata protiv gladi, terora i mizerije, za rad, kruh i slobodu! Protiv imperijalističkog rata, za obranu Sovjetskog Saveza otadžbine besposlenog proletarijata.

Na 27 februara 1933 g. svi na ulicu u jedinstvenom frontu protiv vlade gladi, terora i mizerije! Za rad, kruh i slobodu!

## IZBORNA KAMPANJA U SOUTH AUSTRALIJI.

U South Australiji su proglašeni State izbori za 8 aprila, a nominacija kandidata će biti 9 marta. Peti District Komunističke Partije je odredio svoje kandidate u ovim izborima. Za grad Adelaide drug Tom Garland, za Port Adelaide, drug Jack Zvolman, drug McGilich za Zapadnu teritoriju. Za svakog kandidata je potrebno uložiti £.25, što sačinjava £.75. Petome District - u je potrebna svota od £.100, za kandidate i vođenje kampanje. Radnici-će, South Australiji pomozite svoju partiju u ovoj izbornoj kampanji ne samo moralno nego i materijalno. Program Partije je: Klasa—protiv klase! Svi izabrljeni i obespravljivi pod zastavu borbene Komunističke Partije!

## MASOVNI PRITISAK POBJEDIO JE, DEPRESIJU FAŠISTIČKE VLADE PROTIV- UČITELJICE BEATRICE TAYLOR.

Masovni pritisak prisilio je N.S.W. vladu da dade natrag oduzeti posao učiteljici Beatrice Taylor, članu Australijanske prvo-majske radničke delegacije u SSSR. (1932 g.). U Sydney se je održala konferencija u obranu Miss Taylor, na kojoj je prisustvovalo 500 delegata, prestavljajući 278 organizacija. Protestni zbor je bio održan u Sydney Town Hall, na kojem je nekoliko hiljada prisutnih protestovalo protiv nasilja kapitalističke vlade nad individualnom slobodom. Pred školom u Paddington je organizavan bojkot školske djece, koji je dobro uspeo. Demonstracija je bila rastjerana po policijskim organima, ali u školi svejedno nije prisustvovala ni polovica djaka. Jedinstveni front svih slojeva naseljenja pod rukovodstvom radničke klase prisilio je vladu gladi, terora i mizerije da povratu oduzeti posao učiteljice Miss Taylor. Na ovom se nesme zaustaviti, borbu treba produžiti!

## POZIV NA JAVNI PROTESTNI ZBOR 12 februara.

Pozivamo sve Jugoslavenske radnike i radnice, Perth-a, Swana, Osborne Park i Spearwooda da dodju na protestni zbor koji će se održati 12 februara, protiv krvave vojno-fašističke diktature u Jugoslaviji. Ovaj zbor se saziva protiv zverskog mučenja i ubijanja političkih zatvorenika u Mitrovačkoj Kaznionici i nečovječijeg mučenja radnika Perka Miletića u zloglasnoj Beogradskoj Glavnjači.

Protestni zbor će se održati u Kenogh's Hall, corner Newcastle i Sterling St. Početak skupštine u 2 sata poslije podne 12 feb. 1933.

Za J.R.P.K.K. "Jedinstvo." Legeny.

## OPSAĐNO STANJE U NJEMAČKOJ.

Presjednik Njemačke republike Hindenburg, proglasio je opsadno stanje u cijeloj državi. Poslije neuspjeha fašističkog Hitlera, Rejstag je raspušten i proglašeni su izbori za 5 marta. Sve stranske novine su zaustavljene i inostrane revije na 6 mjeseci. Bjesnilo terora fašističkih bandita je neopisivo. Njemačka stoji u oči građanskog rata. Pitanje se rešava ili diktatura fašizma ili diktatura proletarijata.

## MOLIM SVE ČITAOCE NAŠEG LISTA.

Da mi javе, ako koji znade za drugova, Matu Jovića i Petra Vukobratića, koji su nedavno doputovali iz Jugoslavije. Ili da mi se oni sami javе na adresu: J. Alagich, 241 Piper St., Sth. Brokeur Hill.

## Strajk Političkih Zatvorenika U Mitrovačkoj Kaznionici Dovršen Je Djelomičnom Pobjedom. Radnik Perko Mliteć Predat Je Sudu.

### PRODUŽIMO BORB U PROTIV BIJELOG TERORA U JUGOSLAVIJI.

Strajk gladiju 150 političkih osuđenika kaznionice u Mitrovici, koji je otpočeo 14 novembra, završen je poslije više od 3 nedelje gladovanja. Zahvaljujući svojoj odlučnosti i herojskoj požrtvovnosti strajk je završen sa djelomičnim uspjehom. Krvavi režim Aleksandra Poslednjeg i njegovih razbojnika morao je popustiti pred solidarnošću i borbenošću političkih osuđenika u Mitrovici.

Isto tako poslije pet mjeseci mučenja i inkvizicije radnik Miletić, kojeg optužuju za komunizam, predat je sudu o zaštiti države u Beogradu. Njega su 50 noći mučili mrevarili u zloglasnoj beogradskoj Glavnjači, da bi ga polumrtva i isprebijana predali prijekom sudu koji treba da ga sudi. Završetak strajka sa djelomičnim uspjehom kao i za sada spas života radnika Miletića ima se pripisati okolnosti, da su herojski politički strajkaši kaznionice u Mitrovici kao i nevini radnik Miletić našli podršku u Jugoslaviji u revolucionarnom radništvu, u studentima i raznim organizacijama, kao i aktivnoj solidarnosti sa strane medjunarodnog radništva i revolucionarne javnosti.

Tu solidarnost i u Jugoslaviji i van nje treba danas više nego ikada produžiti, mobilizirati sve šire mase protiv terora, protiv režima Glavnjače, te samim tim protiv krvave kapitalističke vojno-fašističke diktature, u Jugoslaviji.

Ne treba zaboraviti, da su politički osuđenici u Mitrovici i prošle godine upotrijebili jedino oružje koje im ostaje kao protest protiv okrutnog režima, koji vladu u kaznionama Jugoslavije. I tom prilikom strajk političkih osuđenika završen je s djelomičnim uspjehom. Ali zato su njihovi dželatci prvom prilikom sabotirali i oduzeli im sva stećena prava, malo tretirajući ih gore nego najokorelije kriminalce. Zato, da bi politički osuđenici stekli definitivna politička prava u svim kaznionama Jugoslavije, potrebno je produženje akcije solidarnosti širokih masa u Jugoslaviji i internacionalnih radničkih masa.

Nedavno održani kongres Medjunarodne Crvene Pomoći u Moskvi ustanovio je, da je u Jugoslaviji od 6 januara 1929. taj, od dana otvorene vojno-fašističke diktature pa do septembra 1932. bilo 152 politička procesa. Na ovim procesima palo je 18 smrtnih osuda, 4 doživotne robije i 734 politička okrivljenika osuđeni su na 2348 godina robije. Od 152 procesa bila su 82 komunistička 33 nacionalna, 18 seljačkih, 8 vojnih i 11 ostalih procesa. U toj statistici, koja je približna, nisu uračunati više od 100 u policijskim zatvorima ubijenih revolucionaraca, većinom komunista, bez procesa i suške osuđio od 6 januara 1929. do danas.

I dan danas Crvena Pomoć Jugoslavije vodi istragu o slučaju ubijenih komunista u Zagrebu koncem jula 1932. Slučaja i jednog tipografa iz Vojvodine. Poslije njihovog ubijstva pomenuti su prebačeni na Jugoslavensko-austrijsku granicu pa od tada prestavnici krvavog režima odbijaju ma kakvo objašnjenje o tom gnjusnom zločinu. Isto do danas se nije moglo ustanoviti ništa tačno o sudbini beogradske komuniste Babovića i još dvojice drugova koji septembra 1932. provocirani na bjegstvo u bolnici Mitrovačke kaznionice i na jedan mučki način izranjavani. Da li su sva tri druga ubijena ili samo ranjena — to ne mogu ustanoviti ni revolucionarne organizacije niti njihova rodbina.

Jedini spas za svoje održanje vojno-fašistička diktatura vidi u teroru, u mučenju i inkvizitorskom sistemu. Danas kao i ranije ona sije svoj teror po Jugoslaviji nad radnim narodom grada i sela po kaznionama i po Glavnjačama. Danas kao i ranije svaki grad ima svoje dželatce, kojima je dužnost da muče i ubijaju komuniste i nacionalne revolucionarce. To je sistemu pomoću kojega se eksploatišu radništvo i uzgajava siromašno seljaštvo potlačenih naroda Jugoslavije.

Zato treba produžiti akciju protiv terora i inkvizicije vojno-fašističke diktature, zato treba mobilisati široke radne mase u Jugoslaviji i van nje. Takva akcija bit će najbolji dokaz internacionalne revolucionarne solidarnosti i najbolji odgovor krvavoj diktaturi u Jugoslaviji.

O. Obradov: Beograd.

## TRAŽIM.

Josipa Tomašić, koji se je otprg 18 mjeseci nalazio u Cairns, N.Q. Molim sve čitaoce našeg štampice, ako koji znade za njegovu adresu da mi javi ili neka mi se sam on javi na adresu: Ivan Kunjaš, P.O.Box 502. Cairns, Nth. Queensland.

## FRANCUSKI IMPERIJALIZAM SPREMAN JE ZA KRVOPROLICE.

Nedavno održana konferencija "Male Atante" u Beogradu, jasno pokazuje pripremnost imperijalističkih snaga, za novo svjetsko krvoprolice. Rat koji se vodi na Dalekom Istoku jasno karakteriše snagu Lige Naroda u pripremi rata, a ne fraziranja i varanja radnih slojeva o "miru".

Uspješno provodjenje Pjatiljetke u 4 godine i prelaza u drugu Pjatiljetku bez klasnog društva u SSSR, zaoštruje klasne odnose između rada i kapitala na jednoj strani i suprotnosti u logoru samih imperijalista na osnovi udubljanja sveopće kapitalističke privredne krize.

Bijela garda—Vrangelovci koji su koncentrirani u Jugoslaviji i Francuskoj imadu pripremnu vojsku za navalu na SSSR, po direktivama Francuskog generalnoga štaba.

Francuski imperijalizam je proširio svoj militaristički upliv na sledeći način je sklopljen savez:

1. Protiv Njemačke, Francuska, Belgija, Poljska, Jugoslavija i Čehoslovačija;

2. Protiv Mađarske, Francuska, Rumunjska, Jugoslavija i Čehoslovačija;

3. Protiv Italije, Francuska i Jugoslavija;

4. Protiv Rusije, Francuska, Poljska i Rumunjska.

Ratni plan je tajno izradjen po generalnom štabu Francuskih militarista i sklopljen je sporazum sa:

Francuska i Belgija—7 sep. 1920 g. Francuska i Poljska 15 sep. 1922. protiv SSSR i Njemačke. Francuska i Rumunjska protiv SSSR i Njemačke.

Francuska, Čehoslovačija i Poljska protiv Njemačke i Mađarske, 1921. Francuska i Jugoslavija protiv Italije.

Francuska, Belgija, Poljska, Čehoslovačija i Jugoslavija sklopile su militarni savez na osnovi saveza između Rumunjske i Poljske 26 aprila 1926. g. Militarni savez između Poljske i Čehoslovačke 6 juna 1922 god. Militarni savez između Jugoslavije i Čehoslovačke 31 ag. 1922 g. Militarni savez između Čehoslovačke i Rumunjske i Poljske i Jugoslavije aprila 23 1921 godine.

Evo kakva je prepletena mreža za prolivanje krvi radnika, seljaka i ugnjetenih naroda. Zato radnici i radnice posvednevna borba protiv rata je potrebna. Krvava kapitalistička mreža u glavnome uperena je protiv radnika i seljaka u zemlji u kojoj gospodstvuje rad—SSSR. Naša lozinka rat ratu! U obranu Sovjetskog Saveza!

### Vijesti Iz Zemlje Radnika I Seljaka.

PROSVJETA I KULTURA RASTE U ZEMLJI RADNIKA I SELJAKA.

Moskva, SSSR.—U 1933 godini će biti uspostavljeno 8.000 novih seljskih čitaonica; 21.000 Krasnih Ugolokov—Ugao Lenina—i 1000 gradskih čitaonica će biti otvoreno. Broj knjiga u čitaonicama će biti u 1933 g. 183 milijuna primjeraka.

IZGRADJUJE SE NAJVEĆA TVORNIČA PAPIRA U  
EUROPI.

Perm, SSSR.—Na rijeci Kami, otpočeti će proizvodjati papir u drugom polugodištu 1933 g. novo-građena najveća tvornica papira u Europi. Proizvodna njena snaga će biti: 108.000 tona pisačeg i štamparkog papira, 7000 tona za zamotavanje i 104.000 tona vlaknina.

Sve tvornice papira u staroj carskoj Rusiji proizvodjale su 220.000 tona papira. Sovjetski Savez proizveo je u 1931 g. 497.000 tona, dočim po proizvodnoj programi 1932 g. proizvedeno je 677.000 tona papira. Radni narod postiže uspeh za uspeh u zemlji Sovjeta.

NOVA MAKEJEVSKA LJEVAČNIČKA PEĆ.

Makejevka, Donbas.—Nova Makejevska ljevaonička peć ima proizvodnu snagu 1.200.000 tona godišnje. Proizvodna snaga Makejevske peći bila je 1913 g. samo 217.000 tona. U 1932 godini Makejevska ljevaonička peć proizvela je 700.000 tona. Poslije rekonstrukcije njena proizvodna snaga će biti 1.200.000 tona.

NAJVEĆA NA SVIJETU BLOOMING TVORNIČA  
OTPOČELA JE RADITI U STALINSK.

Stalinsk, Sibirija.—5 novembra 1932 g. otpočela je raditi najveća na svijetu Blooming tvornica metalurgijskog kombinata Stalinsk, njena proizvodna snaga će biti 1.200.000 tona godišnje.

Stalinski kombinat proizveo je u 1932 g. Električne enrgije—28 milijuna konjskih snaga, 218.000 tona koksa, 175.000 tona ljevnog željeza, 32.000 tona željezne rudače, 16.300 opeka i 8.500 tona čelika.

U 1929 g. Stalinsk (prije zvani Kuznjek) brojio je 3000 stanovništva. U 1932 g. Stalinsk je brojio 220.000 stan. samo u metalurgijskom kombinatu je uposleno 60.000 radnika. U zemlji Sovjeta cvatu novi gradovi, poboljšava se blagostanje radnog naroda, a u kapitalističkom svijetu radni narod stenje pod pritiskom gladne smrti, besposlice, terora i mizerije.

POMOĆ KLASNOM ORGANIZATORU I AGITATORU.

Harvey, W.A. Drugovi! Šaljem vam 14/8 od koje svoje ide za obračun štampe 4/8, a 10/ u fond naše borbene štampe. Naša klasna štampa vodi borbu ne samo protiv ovdašnjih izrabljivača, nego i protiv Ace i njegove služinčadi, koja nasilno tjera sirotinu u tu fašističku novo osnovanu organizaciju. Borbeni radnik Harvey, W.A.

SOVJETSKA ŽELJEZNIČKA PRUGA.

Dužina željezničke pruge u staroj carskoj Rusiji bila je najkraća, ako se uporedi sa posjedovanjem teritorije. U 1913 g. Rusija je posjedovala 12% kuglje zemaljske, a od svjetske željezničke pruge posjedovala je samo 5,3%. U 1913 g. Velika Britanija imala je na svaki kilometar pruge 0.726 lokomotiva, Njemačka—0.502, Italija—0.378, a carska Rusija—0.307 lokomotiva.

Stara carska željeznička pruga nije imala ni jedno radio stanice, niti automatska sjedinjavanja vagona. Za vrijeme imperijalistikog rata, gradjanskog rata i intervencije saobraćaj je bio savim razrušen.

U carskoj Rusiji nije bilo ni jednog kilometra željezničke pruge. Dočim u 1932 g. Vlast Sovjeta posjedovala je 400 klm. električke željezničke pruge. U drugoj Pjatiljetki SSSR će posjedovati hiljade električkih lokomotiva, U cijelom svijetu imade se 10 gasoline lokomotiva, of kojih SSSR posjeduje 5.

Od kako su radnici i seljaci uzeli vlast u svoje ruke izgrađeno je 65.000 vagona, prevozna snaga pruge porasla je od 15.2 tona u 1931 g. do 18.1 tona u 1932 g. porast je za 22%. Opaća snaga saobraćaja je porasla za 40 po sto. 30 po sto vagona imadu automatske bremze. U 1932 g. izgrađena je moderna željeznička radiona u kojoj je proizvedeno 1.500 vagona nove Sovjetske konstrukcije. Jedna od najvećih željezničkih radionica izgrađuje se na Uralu, čija će proizvodna snaga biti 54.000 vagona godišnje.

Željeznička pruga SSSR posjeduje više od 100 radio stanica, i duge telefonske linije (despečer), kojeg u carskoj Rusiji upšte nije bilo. Na staroj Ruskoj teritoriji prvi put je stupio u operaciju despečer u 1917 g. i to samo na Sibirskoj želj. pruzi, dočim sada je uveden na svima prugama u SSSR.

U prvog Pjatiljetki izgrađeno je 6000 klm. željezničke pruge. Konstrukcija "Turksiba," 1.442 klm., koja je bila izgrađena u 2½ godine (pod rukovodstvom druga Šatova), koja veže Srednju Aziju sa Zapadnom i Istočnom Sibirijom. Ova pruga ima veliki ekonomski značaj u razviću narodnog gospodarstva Sovjetskog Saveza.

U drugog Pjatiljetki izgraditi će se od 25.000 do 30.000 klm. željezničke pruge u SSSR.

### KINESKA REVOLUCIJA SE PROŠIRUJE NA SJEVERNU TERITORIJU.

Velika pobjeda Crvene Vojske Kine, bila je 26 agusta, kada je pobedonosna Crvena Vojska pobjedila kontrarevolucionarnu Komintanovu vojsku, zarobila veliki broj vojnika, veliki broj pušaka, 11 strojevnih pušaka i stotine tovara amunicije. Veliki broj Komintanovske vojske prešao je u redove Crvene Armije. Veliko oduševljenje vlada po cijeloj Kini u slojevima radnog naroda i u znak pomoći Crvenoj Armiji radnici su izišli na štrajk u cijelom nizu grana industrije da se dezorganizuje Komintanova kontrarevolucionarna vojska i prevoz ratnog materijala i vojske.

## Pjesma O Ološu

Ljuto evile Aleksine sluge,  
Suze liju—grče se od tuge  
Po Zelandi, Sydney-u i  
Westu,

I u svakom Australskom  
mjestu—

I priprepi Radića Stjepana  
Suze rone još i ovog dana,  
Žaloste se—jer se više neda  
Varat narod a riječima od  
meda.

Dugo se je i preveć varalo  
Od naroda mamilo i kralo,  
I lagalo radnike sirote  
Sa lopovskim načinom  
sramote,

Ali više—ali unaprieda  
Drugčije će radništvo da  
gleda

Na gospodu mrke konzulate,  
I puzavec splatom i bez  
plate—

I na one "velike hrvate,"  
Koji samo praznu slamu  
mlate

Što u korist i to je nekomu,  
Al' nikako ne narodu svomu,  
Po kojemu neprestano n-lati  
Buržu Srbini—buržuji hrvati.

Mi znamemo što je domo-  
vina—

Crna, gorka za rođena sina,  
Koji mora da po svijetu luta  
Dok se u njoj tovi gamad  
žuta,

Vrangelovci, brato-ubojice,  
Bijela garda ljute pojavnice,  
Mi znamemo što je Radić  
bio—

Krokodilske suze on je lio,

A na djelu?—ta on ga i nema  
On je samo zamku robiju  
sprema,

Sporazumom od dvadeset  
pete

Uz Pašića koji ga susrete,  
Da još jače okuju robove,  
I napune buržujske džepove.  
Mi znamemo tko je borac  
pravi—

Onaj kojeg Aleksander  
gnjavi,

Onaj koji doprinosi žrtve  
Uz drugove mučene — i  
mrtve;

To je borac—nas uzase želi,  
I bit će mo—to smo se  
zakleli,

Našu pomoć on će da dobije,  
A ne ološ—diktature špije.  
Mi znamemo zašto ološ cvili  
Jer mu "Borba" naša se  
nemili,

Jer ga šiba po zasluži pravo—  
Stoga ološ taj puzavi djavo,  
Pstuje, više, kopra se, mlati  
Laže—plače, izdire se, blati,  
I još prijeti—ali neka prijeti,  
Pri' neg "Borba" ološ će  
umrijeti,

"Borba'j" naša, ona'j u  
narodu,

I bori se za pravo, slobodu!  
Pak će takva oštat—i živiti,  
Svaki radnik uzanjan će biti—  
A ološ će ostati po sami

I duboko utonut—u tami—  
Nek se ološ kopra i plače  
"Borba" će ga žigosat još  
jače.

Crveni Hrvat.

## XII. PLENUM IKKI (IZVRŠNOG KOMITETA KOMUNISTIČKE INTERNACIONALE).

Početak septembra održan je u Moskvi XII. plenum IKKI na kom su bila sledeća pitanja:

1. Medunarodni položaj i zadaci sekcija Komunističke Internacionalne—referat druga Kusinina.

2. Iskustvo ekonomskih štrajkova i borbe besposlenih—ref. druga Thalma (K.P. Njemačke), koreferenti drugovi Lenksi (K.P. Poljske) i Gottwald (K.P. Čehoslovačke) o štrajkaškom pokretu i borbi besposlenih radnika u poljskoj i Čehoslovačkoj.

3. Zadaće komunističke u borbi protiv imperijalističkog rata i ratne intervencije u vezi sa započetim ratom na Dalekom Istoku—ref. drug Okano (K.P. Japan).

4. Socijalistička izgradnja u SSSR u vezi sa završenjem prvog petogodišnjeg plana i projektiranim osnovama drugog petogodišnjeg plana.

Plenum je primio informaciju druga Bele Kuna o prestojećoj pedesetogodišnjoj smrti Karla Marksa—13. marta 1933 g.—poručio je prezidiumu IKKI da u vezi s tom godišnjicom pripremi i provede masovnu kampanju popularizacije marksizma-leninizma.

Plenum je izvršio naknadne izbore u prizidium i potvrdio finansijski izvještaj IKKI.

Sveove odluke bile su primljene sa strane plenuma jednoglasno. Teze, rezolucije i odluke XII. plenuma IKKI štampaju se u zasebnoj brošuri i u časopisu "Klasna Borba."

Zadaće naše partije u vezi sa odlukama XII plenuma biće razradjene u upustvima "Šta i kako da se radi."

## JAVNI PROTESTNI ZBOR.

Broken Hill, 29. jan. 1933 g. Danas je ovdje održan javni protestni zbor, na kojem je prisustvovao veliki broj Jugoslavenskih radnika—na, protiv ubijanja i mučenja političkih zatvorenika sa strane vojno-fašističke diktature. Govornici su u svojim istupanjima podvukli, zlojstva koje vrši krvavi fašistički režim nad borcima za slobodu, sinovima radnika, seljaka i ugnjetenih naroda Jugoslavije. Vojno-fašistički režim muči, maltretira i ubija sinove radnika, seljaka i ugnjetenih naroda, koji se bore za kruh i slobodu. Na zboru je jasno podučeno kako krvava sadistička diktatura u svom bjesnilu pod svaku ogradu hoće da fizički uništi Komunističku Partiju Jugoslavije. Do danas po podacima, što muče, što javno ubito je više od 100 članova K.P.P. za koje se zna, a koliko ih je ubito za koje javnost ne zna?

U masi prisutnoj na protestnom zboru vladalo je veliko ogorčenje i protesti protiv srednje-vekovne inkvizicije koju izvršava krvavi vojno-fašistički režim nad radnim narodom grada i sela.

Sledeća rezolucija je jednoglasno usvojena:

"Ministru predsjedniku Beograd.

Jugoslavenski radnici Broken Hill - a, okupljeni na ovom protestnom masovnom zboru, najenergичnije protestujemo protiv zlostavljanja, mučenja i ubijanja političkih osuđenika u Mitrovici, Kaznionici i 50 noći podređene mučenja radnika Miletića. Zahtevamo da se udovolji zahtjevima političkih osuđenika u Mitrovici i da se pusti na slobodu radnika Perka Miletića. Mobilizovati ćemo radnu Jugoslavensku emigraciju protiv krvavog terora u Jugoslaviji."

Rezolucija je primljena jednoglasno. Na zboru se je skupilo £.3.1.9. i predloženo je da se telegrafno pošalje rezolucija u Beograd, a ostatak novca da se pošalje Crvenoj Pomoći Jugoslavije.

Radnički dopisnik.

## KAPITALISTIČKI SVIJET U TJESNACU KRIZE. SSSR. IZGRADJUJE SOCIJALIZAM.

Dženeva.—Ekonomski komitet Lige naroda opublikovao je izbor svjetske produkcije za 1928—1931 g. U kojem je prisiljen priznati uspjeh porasta narodnog gospodarstva SSSR. U brojkama pokazuje industrijsko razviće, taj komitet računa broj zauzetih i količinu primjenjujući mehanizma u industriji. Po njegovim podacima industrijska produkcija SSSR previsila je u 1931 g. visinu 1929 g. za 36%, u to vrijeme se je produkcija Sjedinjenih Država snizila za 32%, Njemačke—za 30%, Francuske—za 11%, Engleske—za 16%, (a po drugim podacima za 24%) i Poljske—za 30%. Izvanredno je interesno izračunavanje te komisije, (koja ne uključuje sirovinu) nego samo predmetno potrošnje. Uzimajući produkciju 1925—1929 g. za 100%, komitet je dobio sledeći indeks, za poslednjih pet godina:

Cijeli kapitalistički svijet bez SSSR.		1927 g.	1928 g.	1929 g.	1930 g.	1931 g.
Srestva vodnje.	proiz.	100%	104.2%	113.1%	98.5%	82%
Predmeti trebe SSSR.	upo-	99.1%	103.3%	103.9%	101.3%	99.8%
Srestva vodnje.	proiz.	85%	107%	140%	199%	249%
Predmeti trebe.	upo-	84%	107%	133%	159%	187%

Po podacima ekonomskog komiteta Lige naroda, upoređujući produkciju SSSR sa svjetskom produkcijom, Sovjetska produkcija je porasla za—4.3% 1927 g. do 7.9% u 1932 g. Produkcija sirovine porasla je od 1926-1930 g. od 3.2% do 6.9%. a specijalno tekstilna sirovina porasla je—od 7.3% do 9.3%. a rastuća ulja—od 4.5% do 5.5% evetni metal—od 3.2% do 6.1% po sto.

Osobno je značajan porast Sovjetske teške industrije, upoređujući sa avjetskom teškom industrijom:

		1925 g.	1929 g.	1931 g.
Ljevaončnog željeza	...	2.0%	4.4%	8.8%
Proizvodnja čelika	...	2.4%	4.1%	7.8%

Prije rata carska Rusija proizvodjala je lijevog željeza—5.9% i čelika 5.5% svjetske proizvodnje. Ove brojke jasno pokazuju kako rastu proizvodne snage gdje se proizvodi za upotrebu, a ne za profit. SSSR burno napreduje. Kapitalistički svijet svakog dana sve više nazaduje. Socijalizam pobjeđuje na svima frontovima. Kapitalizam je postao nesposoban da razvija proizvodne snage i osuđen je na smrt.

## REAKCIJA U SAVEZU "PROSVETASA" PORAZENA JE.

Perth, W.A. 15 jan 1933 g. Danas je održana konvencija Jugoslavenskog Potpornog Prosvjetnog Društva, na kojoj su prisustvovali delegati J.R.P.K.K. "Jedinstvo" i Perth-a, i Kulturno Etičke Čitaonica Swana, na kojoj je došlo do ujedinjenja Prosvjetne grane J.P.Društva, J.R.P.K.K. "Jedinstvo" i K.E.Čitaonica Swana. Ujedinjene radničke organizacije su pod imenom J.R.P.K.K. "Jedinstvo."

Poslije ujedinjenja istupio je član J.R.P.K.K. "Jedinstvo" i u kratkim crtama izneo politički i ekonomski situaciju i barbarski način mučenja, i ubijanja političkih zatvorenika u Mitrovici i radnika Perka Miletića u Beogradu. Konvencija je jednodušno protestovala protiv despotizma krvave vojno-fašističke diktature, koja na najbrutalniji način muči i ubija najbolje sinove radnika, seljaka i ugnjetenih naroda Jugoslavije. Predlog je jednoglasno usvojen da se pošalje protestna telegrama u Beograd.

Poslata je sledeći telegrama:

"Ministru predsjedniku Beograd.

Konvencija J.R.P.K.K. "Jedinstvo," najenergичnije protestuje protiv gadnog postupka prema radniku Miletiću i političkim zatvorenika u Mitrovici. Tražimo bez odlaganja puštanje na slobodu radnika Miletića i udovoljenje zahtjevima 150 štrajkujućih gladiju političkih zatvorenika u Sremskoj Mitrovici.

Konvencija J.R.P.K.K. "Jedinstvo," Perth, W.A. 15 januara 1933 godine."

Radop.

## POPOVI I POLICIJA SILOM OTELI MRTVO TIJELO RUDARA.

Broken Hill, 20 jan. 1933 g.—Otrag nekoliko dana ovdje je od dugodiješnje bolesti, koju je dobio radeći u ovim otrovnim rudnicima, umro naš simpatizer Jugoslavenski radnik Juraj Lučić.—"Zvone."

Radeći dugo godina podzemni rad u ovim olovnim rudnicima, drug Lučić dobio je bolest na pluća i otrovanje krvi. Lječnička ekspertiza ga je pronašla nesposobnim za nikakav daljni posao, mučio se je više od deset godina, primajući mizernu pomoć 17/6 nedeljno. Bolest se je stalno udubljavala, a rudar je sve više slabio, bez da je dobivao ma kakvu lječničku njegu.

Pokojni drug Lučić je bio jedan od onih radnika koji preziru vjeru i njeno zaglupljivanje. Neprestano se je protivio crkvi i crnim mantijašima. U razgovoru sa drugovima često je izraživao svoju želju, da kad umre da ga se pokopa u opšte grobište uporedo sa Brookfield,—kojeg je ubio jedan Ruski bjelogardista za doba radničkog štrajka 1919 godine, Brookfield je predvodio štrajk—i da mu nesme da bude nikakvih religioznih ceremonija.

Poslije njegove smrti drugovi i prijatelji su htjeli da izvrše pokojnikove želje, dali se odmah na posao, sakupila potrebnu količinu novaca s kojom se je imalo da plati pogreb i glazba. Proču se glas, da crni mantijaši će pokopati ostatak pokojnog druga, grupa rudara otiđe k nadzorniku policije i traži od njega: "Imade li takovi zakona da se spreči zadnja želja umlog rudara," policija odgovara: "Nitko ne može da se suprot stavi poslednjoj želji pokojnika."

Oko 200 Jugoslavenskih radnika sa ženama i djecom i veliki broj rudara Broken Hill — su 2 sata posle podne okupili su oko mrtvarnice da sprovedu svog druga na groblje. Najuri odred policije koja spreči radnicima da sprovedu svog druga po njegovoj želji. Popovi u pratnji oružanog odreda policije strpaše mrtvo tijelo rudara i odveoše ga na katoličko groblje.

Masa od nekoliko stotina radnika, žena i djece najenergичnije su protestovali protiv nasilja crnih mantijaša i policije. Svi okupljeni radnici odlučili su da ni jedan ne ide u sprod u znak protesta protiv brutalnog postupanja slugana "bozjih" i oružanog odreda policije. Jugoslavenski radnici, ako i imaju najdublje sažaljenje za svojim drugom, ni jedan nije išao za mantijašima i oružanom policijom. Crkva vrši nasilje ne samo nad živima, nego i nad mrtvima.

Radnički dpisnik.

## Pomoć Komunističkom Pokretu U Australiji.

Oblasni Komitet K. P. Westa, obratio se je na borbeni Jugoslavensku emigraciju za materijalnu pomoć. Borbeni Jugoslavenska emigracija odazvala se je svojoj partiji, svome zaštitniku i voditelju. Zato nije ni čudo da se šaćina propalog jugoslavenskog ološa kopreca, kada vidi da je borbeni emigracija opredeljena, da ona stoji tvrdo uz komunističku partiju, a odbacuje ološ na smetište.

Sledeći drugovi su se odazvali:

Kurrowang No. 3, I.T. 6, po 5/ M.R., I.T., Macukat, I.S., M.J., I.D. M. M.K. po 4/ J.O., J.S., J.N., T.C., T.P., N.J. po 3/ I.M., M.B., T.P., N.N., M.A., I.P., M.K. 2/9/ po 2/ L.S., M.C., T.C., B.B., J.B., N.M., I.C., V.E., N.A., Pav. Kugich, N.D. I.C., J.O.C. po 1/ A.J., J.J., G.J.R., M.V., i J.C. sga £69.9.

Erikan, W.A. T.P. £1. po 10/ M.P.G. T.G. po 5/ J.J., M.U., M.J.G., N.C., R.J. G.J. po 3/ M.G., A.G., B.J. po 2/6 A.G., F.B., svega £43.6.

Wiluna, W.A. M.A. 11/, F.P. 10/, po 5/ K.J., M.Ge., J.K. po 4/ M.S.P., S.M., J.K., J.A. po 3/6—G.S., R.S. po 3/ T.U. po 2/ A.K., J.B., M.S., N.G. ukupno svega £3. 10.

Noggerup, W.A. po 2/—K.Borac, J.Sevelj, K.Bartalovich, N.Mavrich, B.Borac, J.Viskovitch, R.Brueich, M.Mavrich, po 1/ F.Jerkovich, G.Gionnetti, A.Morasobini, P.Moraschund, Svega £. 11.

Kojonup, W.A. J.S. 10/, J.M. 4/, T.M. 3/ Svega 17/ Walpole, W.A. Rlj 4/, po 2/—S.B., B.S., I.V. Svega 10/ Gwalia, W.A. S.L. 10/

Svega je sakupljeno u pomenutim mjestima £.17.3d.

Jugoslavenski radnici slede put Partije radnika, seljaka i potištenih naroda. Ovo je najbolje dokaz kojim putem ide borbeni emigracija. Samo drugovi proizvode sa svojom radom, pobjeda je na našoj strani. Pobjeda rada nad kapitalom.

Izvjestitelj.

## "Veliki Hrvati" Pod Plaštem Policijskih Utvara.

Boulder City.—Nedavno se povajati letak, uperen protiv borbenih radnika, izdat u ovom mjestu po dobro poznatoj grupi "ljudi" koji imaju svoju blatnu prošlost. Letak se razlikuje od onih koje šalje po ovoj zemlji. Ta grupa policijskih agenata nosme da javno izdaje pred široke slojeve radnog naroda, nego se tuče krije i uzima u zaštitu Kočičića, Krnjevića te izdajice Hrvatskog radnog naroda.

Mi ćemo da iznesemo što su ti "veliki hrvati," i jeli to baš tako pod imenom "velikih hrvata," ili je to maska da se odvude radnike od klasne borbe. Autori te blatne krpetine su sledeći individui:

Marin Separović iz Blata na Korčuli, član orjune i lični petolizac dobro poznatog Kunjašića. Kao član orjune maltretirao je seljačku sirotinju, došćkavao policiji, žandarmeriji i financama. Poslije dolaska u Australiju, počeo da radi na tesanju pružnih pragova. Historija sjećanja prsta je svakom poznata u Australiji. Taj Marin Separović, osjakao je sebi na lijevoj nozi četiri prsta, za FUNTE, sjekao je svoje meso, kako nebi sjeko tuđe? Tuko je organizatore koji su dolazili u Blato da organizuju seljstvo u H.R.S.S. A ovdje preko noći postao "veliki hrvat." I još k tome ovdje agentira za Bouldersku policiju, i u isto doba šalje izvještaje krvavoj vojno-fašističkoj diktaturi. Radnici-će, sudite sami što prestavlja iz sebe ta gadna i odvratna ulizica taj Marin Separović.

Jure Banović iz Zaostruga, trgovac, izrabljivač radnika, živi na račun radničkog znoja i krvi. Govorka se a može se i dokazati da je davao savjete na koji način se najlakše zapali kuća, da se dobije osiguranje. U Westu ni jedno osiguravaće društvo neće da osigura Jugoslavenima kuću i pokućstvo. Historija paljenja kuća je otvorila oči osiguravajućim društvima, koja su snimila osiguranje i to samo Jugoslavenima. Dakle pošteni Jugoslavenski radnici i farmeri stradaju za zlodjelo tih "velikih hrvata."

Ivan Bilić "inženjer"—ma kome nije poznat, kao prevarant, kojeg i sada traži štamparija u Midland Junction. Izvarao je sve do koga je mogao da dodje. Produžuje sa pljačkama. O njemu se već nekoliko puta pisalo, on je popularan kao prevarant i pljačkaš.

Ivan Šorić iz Graca, to je sirotinja koja ne misli sa svojim mozgom. On posjeduje glavu samo za nosenje šešira, za ništa drugo. On je slijepo oruđe u rukama prefrganih lopova, Takova šta je i potrebno lopovima. Njega se može za sve, iskoristiti a u prvom redu protiv radničke klase, to je lump-proleter.

Ovo "eveće," je apelovalo u svom letaku "Požor Hrvatski Naroda West Australije." Sađa Hrvatska sirotinjo koja si istjerana od strane krvave vojno-fašističke diktature, odelena od svojih roditelja. Žena i djece takovi ljudi dolaze k tebi a apelom da uštanesh sama protiv sebe, protiv svoga druga radnika seljaka i ugnjetenih naroda, da poštanesh krvnik, lopov i prevarant, to te može da nauči više podučena ološ. Ta gospoda Separović, Banović, Bilić, Šorić, u svojoj krpetini nemaju ma ni jedne riječi o borbi Hrvatskog radnog naroda protiv krvave vojno-fašističke diktature Aleksandra Poslednjeg. Razume se, da ti "ljudi" nesomda da ni pismu o velikosrpskom ugnjetavanju, jer su njegovi agenti.

Radnici i seljaci iz Jugoslavije, nedajte se voditi po degenerisanim elementima! Vaše mjesto je u redovima vaše klase radnika i seljaka pod vodstvom Komunističke Partije! Dolo sa ološom! Živjela borbenja Jugoslavenska omladina Australije i New Zealand.

N. K. Omladinac.

## PETNAESTA GODIŠNJICA POBUNE MORNARICE U BOKI KOTORSKOJ.

Revolucionarni talas koji se je proširio po svoj Europi, posljednjom osobe oktobarske revolucije, zahvatio je i Austro-Ugarsku mornaricu u Boki Kotorskoj 1918 g. februara mjeseca.

1 februara 1918 g. revolucionarni mornari skidose monarhističke barjake i podgrnuše Crveni Barjak simbol slobode radnog naroda. Zarobiše sve sumnjave oficire i strpaše ih u zatvor. Izdajica socijal-fašista Šeslan rodom iz Dubrovnika, proglasio je sebe vodjom revolucionarnog vala, na krstašu "Sant George," i odmah u prvim danima pobune počeo da cijepa momčad na narodnosti, mjesto da se uspostavi veza sa ostalim mornarima i da se zaštiti od neprijateljske mornarice. 2 februara ubiava je revolucionarni komandant Seitz iz Maribora na krstašu "Radolf," revolucionarni vojnici kopnene baterije strpani su u zatvor, a oficiri su otvorili vatru po pobunjenom mornarici. Trećeg februara najurlja je iz Pole eskadrona ratnih brodova, vidivši to izdajica Šeslan sjeo u zrakoplov i pobjegao u Italiju, revolucionarna momčad slabo organizovana, bez vodstva predala se je neprijatelju. Istog dana više od dve hiljade mornara strpano je po raznim kazamatama i kopnenim trvdjavama, koji su bili predani vojnom prekom sudu.

Desetog februara 1918 g. izrečena je brutalna smrtna presuda protiv revolucionarnih mornara: Franz Raach-a, Mate Bričevića, Ivana Sigorića i Antuna Grabara, a ispunjena 11 feb. u 6 sati u jutro. Boko Kotorski proletarijat 11 feb. pod crvenim barjakom dao je počast palim borcima, a Jugoslavenska buržoazija uperila je na njih mašinske puške.

Ustanak je poražen, a neka poslušni iskustvora u budućim borbama protiv klasnog neprijatelja buržoazije i njene države organa ugnjetavanja. Jedna je K.P.J. koja vodi radnike seljake, mornare i ugnjetene narode ispravnom putem k pobjedi nad klasnim neprijateljom.

Slava pavšim revolucionarnim mornarima februara 1918 godine.

Učasnik pobune J.A.

## MATERIJALNA POMOĆ NAŠOJ RADNIČKOJ ŠTAMPI.

Swan, W.A.—Drugovi! priloženo vam šaljem svotu od £.1. od koje na račun obračuna 10/, a u fond štampe 10/. Bez pomaganja sa strane radničke klase i siročnog seljastva, naša klasna ideja ne može da probija tvrdjavu kapitalizma. Radimo i raditi ćemo, da naš borbeni glas dopre u najzabavniji ugao, da prosvjedoje, da izgrađuju radni narod za klasni boj protiv klasnog neprijatelja buržoazije i njenih prirepiha svih boja. Vaši odani drugovi u borbi za slobodu.

Organa Borbenih Jugoslavenskih Radnika Australije i New Zealand.

## CRNI MANTIJAŠI NA SVE NAČINE GULE RADNU SIROTNINJU.

New Zealand. Crni mantijaši manevrišu na sve načine da oglobe radnike i radnice koji se još nisu oslobodili religioznog fanatizma. Popo Pavlinovića pomuču neklicine zavedenih zaostalih radnika i trgovaca poduzeo je akciju da u raznim igrama nakupi novaca od sirotinje, jer siguro "hram božji" nedonosi više plodova kao što je to donosio da sada.

Ti "namjesnici božji," poduzimaju sve mjere da oslobode zavedene radnike i radnice od poslednje pare. Svakovrma igra to je siguro u ime "božje," provodi se sa strane mantijaša Pavlinovića. Javni agent vojno-fašističke diktature na sve mile načine izrabljuje radnu sirotinju.

Radnici i radnice, vi koji ste izrabljeni od kapitala, izrabljuje vas crni mantijaš, zaglupljuje vaše snove i kćeri, a vi još njega pomažete, kao svog klasnog neprijatelja. Vojno-fašistička banda muči, ubija i brutalno postupa sa vašima roditeljima, braćom, sestrama i drugovima, a njeni slugani vas gule danonice. Otvorite oči, odbacite od sebe špijune i izrabljiivače agente kapitalističke krvave vojno-fašističke diktature.

Vaše je mjesto u borbenim redovima borećeg se proletarijata, a ne pod crnom mantijom. Vi koji živite od krvavog znoja, odbacite od sebe sve gulikože—neradnike koji na muktakaški način živu i prijavljuju vas policijskim organima i ministarstvima. Vaše je mjesto u redovima izrabljenih i rame uz rame boriti se za svrgnuće sistema izrabljivanja i ugnjetavanja, a na njemim ruševinama uspostaviti vlast rada.

Dolje sa izrabljiivačima, lihvarima, crnim mantijašima agentima krvave vojno-fašističke diktature! Živco borbeni pokret proletarijata, siromašnih seljaka i ugnjetenih naroda!

Auckland N.Z. N.K.

## POMOĆ KLASNOM FRONTU PROLETARIJATA

Wiluna, W.A.—Dragi drugovi! Priloženo vam šaljem svotu od £.7.11. od koje, za fond naše novine £.1.18., za fond "Proletora" £. 2. i za žrtve reakcije u Jugoslaviji £. 3.13.

Ovo je odgovor na teror kojeg sprovođi vojno-fašistička diktatura nad borbenim sinovima radnika, seljaka i ugnjetenih naroda. Ovo je odgovor "Velikim hrvatima" u policijskoj mantiji. Štogod se više ološ kopra, naši redovi postaju sve tvrdji i solidniji. Sva anti-radnička agitacija sa strane "velikih hrvata," špekulanta Marica i ostalog pokvarenog elementa u ovoj zemlji dobiva sve voći otpor od raničke klase. Te ptice u vučjoj koži poznate su nama borbenim radnicima. Oni svakog dana gube sve više i više upliva u sredini zaostalih radnika, razumije se da nemadu utjecaja među naprednim radnicima. Blačenje borbenih redova radničke klase, sa strane svakovrskog ološa nije donilo ploda, nego na protiv zaostali radnici dolaze u naše redove. Neke se ološ kopra koliko imo drago, pobjeda je na našoj strani.

Vaši vjerni drugovi u borbi za slobodu. BORBENA GRUPA WILUNA.

## DRUGOVI IZ CAIRNS ZA OBRAČUN SVOJE PROLETERSKE ŠTAMPE.

Dragi Drugovi! U ovom pismu vam priloženo šaljem svotu od £.1.10. za obračun našeg klasnog voditelja. Svota se je sakupila među odašnjim drugovima u Cairns.

Radne prilike su jako slabe u ovoj okolici, i svakog dana idu na gore. Siromaštvo i bijeda se strašno proširuje među radnim narodom. Besposlica se svakim danom povećava. Radnici koji se još nalaze uposljeni, gini ih se kao marvu, kada ih se iserpi onda ih se izbacuje iz posla a zamenjuje ih se sa svezom mladom radnom snagom.

Ovdašnja gospoda i krvopije radnog naroda u najraskošnijem uživanju svetuju ne samo te "svete" blagdanu kao božić, nova godina, nego danonice troše krvavi znoj radnog naroda, a sirotinja skapava od gladi, bijede i mizerije, jer nema srestava da si kupi koru kruha.

Ove kratke erte govore iz bitnog života—šta kapitalizam znači za radni narod. Radnici vaše je dužnost da stupate u borbene redove svoje klase, da se organizujete i da slijete svoje redove protiv sistema gladi, terora, besposlice, nepravde koju trpa na izrabljena ledja radnog naroda kapitalistička sistema. Organizovani u svoje borbene klasne organizacije uspostaviti ćemo vlast pravde, slobode jednoprvnosti.

Borbena grupa Cairns.

## ZA REDOVNI OBRAČUN NAŠE ŠTAMPE.

Perth, W.A.—Dragi drugovi! Znajući koliko je potrebno da svi druvi redovno obračunavaju za našu borbenu štampu, mi vam opet šaljem £.1. na račun obračuna. Jugoslavenski ološ u W.A. upregao je sve snage da odbije radnike od čitanja naše klasne štampe, iznoseći najgusjnije klevete i laži protiv najaktivnijih drugova. Radnicima su dobro poznata zlađelja tih "velikih hrvata i velikih jugoslavena." Radnici im okroću ledja, a ološ kada ništa drugo ne može, služi se sa policijskim organima protiv borbenih radnika i simpatizera. Na nastupanje reakcije, radnici odgovaraju stupanjem u svoje klasne organizacije. Revolucionarno raspoloženje među radnicima postaje svakog dana sve veće i zauzima sve šire opsege. Anti-radnički elementi svakog dana gube utjecaj u sredini zaostalih radnika. Sva njihova agitacija postaje nepodnija i ostaju osamljeni koje se može na prste probrojiti. Mi ćemo sa našim aktivnim radom u širokim slojevima radnika, radnica i omladine, smesti na smetlišta sve lažne "velike hrvate i velike jugoslavene," koji su plaćeno i neplaćeno oruđe kapitalističke klase.

Naš odgovor je svima anti-radničkim elementima, rad u širokim slojevima radnika, radnica i omladine.

Borbena grupa Perth-a, W.A.

## ZA OBRAČUN NAŠE ŠTAMPE.

Sandstone, W.A. Štovani drugovi! Priloženo u ovom listu vam šaljem 10/ za obračun naše proleterske štampe. Mi smo svijesni kakvu ulogu igra naša klasna štampa u pripremanju radnih masa protiv klasnih neprijatelja—buržoazije. Živjela revolucionarna borba radničke klase!

Primite naš drugarski pozdrav, vaši odani drugovi u borbi.